

有正味齋詞集

有正味齋詞集卷三目錄

錢塘 吳錫麒 聖徵

佇月樓琴言三

金縷曲

如阜冒巢民先生水繪園擅名 國初爲南北羣賢往來譙集之所至
今百有餘年漸就零落其四世孫妙隱復繕葺之落成後繪圖屬題

菩薩蠻

前調

風光好

柳梢青

洞仙歌

田家詞十二首

木蘭花慢

登蘇雨樓室雲氣迷濛與水相接荒麓老柳一片秋陰

迷神引

江上聞歌

品令

菩薩蠻

曲游春

春夜同沈小棠倪米樓踏月至翠竹菴虛烟冥浮桼水微映光景清絕

鋸解令

菩薩蠻

搗練子

冷雨空江留春不得用短調以寄情

西江月慢

夕泊龍潭

虞美人

浣溪紗

攝山道中

鶯啼序

金陵懷古

長亭怨慢

將還京師賦此爲西湖別

高陽臺

泊秀州城外夜雨作寒柳聲蕭蕭然殊不成寐

步蟾宮

維揚月夜有懷尤水村江吟香其州

淒涼犯

夜宿高唐旅店清寒特甚孤緒橫生因用樊榭老人韻以寫之既成

繞佛閣

臘八日游長椿寺

摸魚兒

題柳陰觀釣圖

曲游春

題李未庵梅窩圖

長相思

王秋厓招集孫淵如比部櫻桃傳舍是歌者陳郎舊居感賦此闕

唐多令

題友人停車楓林圖

南柯子

題陳默齋惜花圖

永遇樂

京師以十月一日爲開爐節民間皆作煖爐會從此瓊簾火炕花戶油
窗足支風雪之辰小占屏帷之福士大夫退值餘暇結侶消寒關東魚
肥津門蟹大合尊促席排日爲歡刻燭揮琴吟事斯起矣

齊天樂

送屠笏巖州牧還尋甸

夢橫塘

題石濤僧蘭竹卷子

眼兒嬌

醉太平

題畫

河傳

太平時

少年游

山亭宴

同王葑亭給諫張船山檢討坐秋花間小酌

南浦

王薌南司馬宦遊江右余不見者十餘載矣今年夏晤于都中述其仕路險巇令人惆悵無已因譜此調卽題其南浦歸帆圖以遺之

八聲甘州

題張惺齋徵君池上草堂圖卽送其還宣城

解連環

白蓮女史方氏揚州羅山人兩峯室也嘗請業於綠淨老人許太夫人與其妯娌孫氏淨友小姑秋英篴里中汪惜亭之妻袁夫人作九九消寒會唱成賦管年原曾爲裁寒閣吟席圖今女史下世久矣兩峯以圖屬題丙次卷中王蘭泉侍郎韻酬之

洞仙歌

題前麻姑

夢黃塘

同劉英初嚴少峯家香色似米樓游蓮花泡靜觀茶亭不得

解語花

查小山屬題其蓮人玉窗清影

高山流水

米樓有高山流水圖。題首二年偶遺塵篋中。久未得報。今秋值其泰諱。將歸慰問之餘。離情愴惻。因書此調。還之山水之音。不足喻其哀也。

下水船

秋後寫望

有正味齋詞集卷三

錢唐 吳錫麒 聖徵

佇月樓琴言三

金縷曲

如臬冒巢民先生水繪園擅名 國初爲南北羣賢往
來讌集之所至今百有餘年漸就零落其四世孫妙隱
復繕葺之落成後繪圖屬題

捲起楊花雪儘東風搖晴送暝去尋春色一樣游紅窗戶在難
得斜陽未歇好重認巢泥蹤跡燕子隔簾歌可賭怕新愁咽了
呢喃舌逢上已事誰說 黨魁名字爭厨及只流傳豪華天性
黃金輕擲今日名園喬木長依舊故家標格待推上黃昏明月
吟遍玉梅三百樹盪餘春喚得雲魂熱流水外一聲笛

菩薩蠻

盈盈燭淚相思悄東風無賴天涯早吹月上梅花花寒月又斜
但看芳草綠日日歸期卜夢雨濕春衣雲停不肯飛

又

白雲流出空山夢前溪十里樵風送一路草鞋痕笛聲吹到門
磯頭生晚雨漁父撈船去新水約萍開桃花入網來

風光好

笑燈前醉燈前髻卸香雲髻一邊泥郎眠黃昏最苦梨花黑
交寒食多謝今宵月上弦有情天

柳梢青

極目斜暉者番風景那不裏迷燕子無言落花如夢各自相思
憑儂心上抽絲繫不住天涯馬蹄山上蘼蕪陌頭楊柳夫壻

誰知

洞仙歌

田家詞

又聽啼鳥喚今番春起
瓦卦曾占紫姑未早秧歌
鬧罷臺笠催來人影聚聚
向燒畬烟裏平林通曉
曉纔過斜暉遠綠微茫
逗生意漸泥融雪澤
清放冰漸重數到田家
樂事但屈指燈宵最
晴明且莫管流年幾
龍治水

又

前題

賽田鼓歇散村村團社
醉影斜陽亂桑柘正浴蠶
天暖睇燕風輕和遠水
畫出青疇綠野春分今
又過曉到黃姑浸種還
應趁良夜想差科未動
襪晴堆便鷄犬也同清
暇定認是人家

住桃源看隔著桃花叱牛歸也

又

前題

黃鸝三請道耕期須早樹上榆錢已吹老要踏田努力救麥關心泥滑滑穀雨光陰潛到老農偏解說農字從辰忙月工夫莫閒了趁東風一路軟試芒鞋都踏遍荷花紫艸看又是前汀絮飛飛定水旱今年吠蛙占好

又

前題

千畦繡錯漸袈裟衣似麥候餘寒逐烟起愛桑花菜蕪竹粉蒲刀交映著簇簇秧針刺水沿流通小步一徑惜惜閉戶人家守蠶忌只豆肥須漉筍脆煩燒待朝餉提來村尾正布穀前林

一聲聲看挂笠堆簑綠陰圓美

又

前題

水車星動放年年田假林果黃肥壓枝亞喜雷教禁住龍待分
來斜照裏一陣栽秧鼓打青青爭插好井字勻排短髻衝泥
駛隄跨已麥秋過了寒減陂塘纔吟箇新蟬葉罅又柳際披披
暗涼多趁水口風來白翻穠稔

又

前題

汗揮珠顆覓清陰何地午倦偷閒枕勸睡鷓鴣聲驚夢夢醒看
天飛鷺去點破萬峯雲翠冬青花已落暑雨連番漉漉微蒸
稻香起漸歇涼時節袒臂科頭畫不盡村村田戲定隔隴兒童

踏波回臘水面噓晴一牛浮鼻

又

前題

黃團紅皺映茅檐如畫野老還來豆棚話聽一聲字轆電脚明
邊人去也閃得流螢星碎芒鞋侵曉出草露濃濃滑遶偏看
下田快正稻花香動滿路蟬鳴已昨日早秬先賣但換了西風
有些寒笑也學鄰家亂蓑晴曉廣志蟬鳴
稻七月熟

又

前題

浩然風露望平疇無際決決微通荻苗水漸草泥深處黃穗涼
垂扶蠓起又是輸芒時矣棗竿歌乍歇唱賀新涼釀到巖花
暑焚尾趁敗荷酒熟指點青旗且掠取社錢一醉怕又過田家

小春時早裂葉風來碎鳴窓紙

八月爲田家小
春見月令輯要

又

前題

黃花無賴做滿城風雨盼得新晴踏泥去尙腰鎌人早拾穗童
稀只隴畔鳥雀喧喧無數誰家臨水次橘柚參差霜信寒時
薄雲護美稻堆齊屋豚柵牛宮都畫向冷楓紅處邀近局漁翁
定能來好煮豆炊菱瓦盆圍聚

又

前題

糊窗墜戶怕寒婆來悄畫鼓鼕鼕賽神早記三家村裏獨木橋
邊催入學有箇冬烘頭腦收租人已去喜說豐年一例公私
得完了便松肪火活蘆絮衾溫憑闌佳柴門春小道不用開爐

憶長安縱熊白能肥野松尤好

又

前題

賀冬人到過今年肥節幾度濃陰未成雪念時光挑菜忙到醅
齋風景換冷挂一繩斜日消寒排九九諺語分占絕勝燕支
畫顏色但蘆簾土銚絮帽蒲鞋渾不管籬吹簫簾更盼取來朝
定暄和任曝背茅檐白頭捫蝨

又

前題

蛆浮臘甕愛茅茨風味好句桃符乞題未道明年餅大三白先
占傾老瓦且看天公玉戲田家離別少兒女團樂賣了癡鼓
更何事儘豐年樂意新歲春聲先打徹細腰鼓裏還折取黃梅

龍觚供願司命朝天乞來利市

木蘭花慢

登薌雨樓望雲氣迷濛與水相接荒蘆老柳一片秋陰
甚沉沉黯黯偏釀就者般秋但雲有聲時風無影處十里沙洲
凝眸似晴更暝賸斜陽微閃樹梢頭併入衰蘆耄柳接天暮色
悠悠 高樓徙倚不禁愁獨自望扁舟歎荒波蕭瑟美人不到
落葉空流歸休夢隨雁去只江湖依舊一身浮怕說黃花時節
天涯短髮還羞

迷神引

江上聞歌

譜出琵琶絃上語只怨大江東去烟波萬頃流盡相思苦月初
生潮初定人何處一半心兒上蟲曳杼一半夢兒中雁搖觴

似恨還愁歷歷平生訴惹葉飄蕭花淒楚雨斜風急直尋到秋
來路又被秋遮山程遠水程阻來也聽聲聲公莫舞去也聽聲
聲公無渡

品令

寶篆沉瑤瑟鳴爐暝氤氲微寒料峭晚風簾幙栗肌時節誰
捉迷藏暗裏笑聲咭咭夢中愁別早留下丁香結蜜梅花底
枉教寄與真珠字密有分圓蟾須盼仲冬二七

菩薩蠻

踏青女伴尋春去留儂偏住春濃處門外雪纔纔楊花路一條
相思人不識滅盡相思跡一口唾餘花化爲機上霞

曲游春

春夜同沈小棠倪米樓踏月至翠竹菴虛烟冥浮堊

水激映光景清絕

送入蟾陰裏早清輝浮動人共春遠鐘磬無聲想閒雲同卧老
禪偏嬾只我疎狂慣要茶夢覓來泉畔客鬢難禁吹上落花風
軟過眼誰家池館賸煙蕩空波燕歸應嘆鏡影年年恁照到
繁華綠蕪能換塵夢今番斷好常住蓬壺清淺便是寒閃龕燈
不教意倦

鋸解令

記曾相別正花時又到了落花滿地拚教心事付東風怕柳眼
替人欲淚連環密誓難認如蠶徧紙屏山咫尺萬重遮倒不
似昨宵夢裏

菩薩蠻

欄干十二愁時倚風風雨雨渾難記寒食又清明燕來柳戶晴

鞦韆枝紅影亞人立秋千下蝴蝶並肩飛花香滿畫衣

搗練子

冷雨空江留春不得用短調以寄情

雲漚漚雨泔泔薄暮欄干有夢尋啼鴂一聲春去也落花空羨柳成陰

西江月慢

夕泊龍潭

風吹暝色分夕照半沉幽壑斜影透嵐光青翠濃邊悄留帆脚
驀隔溪惹起餘寒綠楊一片驚濤飛落認白雲送雨歸來還就
故人約曳酒幟幾家深樹託理釣具幾家茅縛曲港三叉隨
徑轉更幾舟蘆泊愛斷塔畧似枯禪藤蘿烟裏亂垂瓔珞似覩
我篷底一尊延月酌

虞美人

尋蓮覓藕風波裏本是同根蒂因緣只賴一絲牽但願郎心如
藕妾如蓮帶頭綰箇成雙結莫與閒鷗說將家來住水雲鄉
爲道買鄰難得遇鴛鴦

浣溪紗

攝山道中

藥草吹香上袂衣鐘聲散雨出山遲六朝雲氣滿松枝
危巢禽入夢斜陽荒冢鬼吟詩行人來拜蔣王祠
古磧

鶯啼序

金陵懷古

垂楊者般掩冉送繁華早歇只深巷斜照重來舊時飛燕能識
算留得平蕪一片傷心畫出興衰跡便前朝金粉都消恁消愁

碧 紫葢黃旗鬱鬱王氣數東南半壁料經過
多少豪傑歎平沙骨紫蔓草尙遺鏃未滿寒血甚匆匆三尺降
旛石頭高揭 如塵似電紙醉金迷付砌蛩太息賸到處斷垣
荒井雨也風也歲歲年年亂苔濃積黃奴舊夢玉奴餘怨江山
羞被胭脂浣撼西風落葉齊飄瞥秋墳唱罷休愁冷了魚燈壞
衣也化蝴蝶 天涯過客獨立蒼茫惹髩毛如雪可柰是新亭
人去暗咽涼潮舊院春歸已消殘笛鷗邊鷺外蕭蕭流水休更
問怕官私惹得蝦蟆說但看影裏山河丁字簾前一鈎落月
長亭怨慢

將還京師賦此爲西湖別

漸搖落紛紛寒柳者樣青衫怎禁秋瘦撇却閒鷗水仙祠畔屢
回首惱人情味渾欲似荷心酒算幾度斜陽何苦把蒼山孤負

知否只一片歸心已向別時先逗停雲懶慣甚仙枕夢梁能
久怕重來雙鬢羞窺定輸與春波依舊仗老鶴多情還爲梅花
廝守

高陽臺

泊秀州城外夜雨作寒柳聲蕭蕭然殊不成寐

煙處留寒波邊弄暝隔湖飛雨俄生幾樹蕭蕭騷垂楊忒殺關情
分明笛裏閒波折到天涯便作離聲漸沉沉低壓篷窗燈暈難
明旅魂易被相思引怎空搔兩鬢夢也無成已厭宵長無端
爲續涼更西風不是愁能釀只心頭一味秋并更吟蟲催動晨
帆還助淒清

步蟾宮

維揚月夜有懷尤水村

舊

江吟香

紹莘

真州

蟾蜍不管繁華事只涼得樓臺如水紅橋燈火鬧黃昏問誰踏
松陰滿地詩名杜牧當時記定憶到珠簾十二一分判與小
揚州要照見黃花人醉

淒涼犯

夜宿高唐旅店清寒特甚孤緒橫生因用樊榭老人韻
以寫之既成尙聞窗外鳴絃拉雜聲彌覺此調之悲也
投林倦鳥前塵隔巢痕認已全埽葦簾土鏗蕭蕭四壁冷侵破
帽相思遠道搖孤暈油燈穗小便天涯音書肯寄凍雪雁飛少
還問旗亭路畫壁誰來酒人都杳草荒舊里料齊謳那時應
好一樣尊前怕殘妓楊花唱鬧愁匆匆一夜客在夢裏老

繞佛閣

臘八日游長樺寺

鳥聲喚曉旋又粥鼓催動禪院苔徑徐轉破寒幾點黃梅綻金
軟衲衣起欸私笑拓鉢頻歲曾慣馴鴿簷畔忍飢也對齋厨側
饑眼屈指梵王地幾許隨却換休悵往時浮圖鈴語怨
展一幃袈裟雲影全幻逝波難挽便欲問興亡僧意先倦只殘
年夕陽猶戀

摸魚兒

題柳陰觀釣圖

送蕭蕭鷺鷥風過輕陰吹面如雨蓑前笠後商魚計那得半湖
租與留且住看熨帖晶奩影落高高樹香綸認取怕玉尺跳時
銀刀上候暗綠攪千縷江南憶最憶漁兒漁女蘆花頻夢秋
渚畫圖熟識樵青面何日共尋煙語攜釣具便趁箇閒鷗緩踏
涼波去斜陽漸暮愛第二橋邊提來換酒魚口尙黏絮

曲遊春

題李未庵

存厚

梅窩圖

說與花休惱念花時幾度曾夢歸去雪壓溪橋早鞦痕沒盡暗
香來路待慰相思苦寫足了白雲千樹任春風吹到橫枝不怕
玉鱗飛舞 美汝修來如許只憐我京華蹤跡都誤綈袂淒涼
歎天涯酒醒舊遊難數五月江城住只銅笛那時吹處記得葉
底黃肥一天暝雨

長相思

王秋塍

復

招集孫淵如比部

星衍

櫻桃傳舍是歌者陳

郎舊居感賦此闕

選石眠紅洗尊醉碧當年幽館曾來櫻桃舊夢幾度光陰費伊
春燕尋猜步屨徘徊訝詩人蹤跡一樣青苔除却舞衫裁後堂

聽絲竹還催 只燒燭清歡試香良會更誰冶笑能陪斜陽爭
一霎賭旗亭歇了深杯葉落花摧重唱到人間可哀拍闌干依
稀凭袖香回

唐多令

題友人停車楓林圖

樹色入秋肥霜風葉葉知車中人讀畫中詩疑是老漁來結伴
沿淺渚照紅衣 遠路白雲迷何村曳酒旗花非花處夕陽時
天氣已寒宜薄醉驅且去過橋西

南柯子

題陳默齋惜花圖

春短催三月花寒瘦一枝雨絲絲攪鬢絲絲又是畫簾腸斷阿
灰時 恨遠難成夢愁深轉欠詩滿天如雪落胭脂只向青苔

石上畫相思

永遇樂

京師以十月一日爲開爐節民間皆作煖爐會從此瓊
簾火炕花戶油窓足支風雪之辰小占屏帷之福士大
夫退直餘暇結侶消寒關東魚肥津門蟬大合尊促席
排日爲歡刻燭捶琴吟事斯起矣

纔餞西風晚蛩咽處寒已催到護菊簾垂釘花窓閉細引爐熏
裊酒人留住紅泥乍坼待雪者番還早只斜陽和楓共醉一分
先逗春小鬢毛易短朝簪懶插空自裹頭吟悄檢點冬心舊
根無恙莫悞長安老鷺絨被煖木棉裘軟共說茅簷歸好恁金
猊都陷殘灰夢梁未了

齊天樂

送屠笏巖州牧紳還尋甸

東風又綠今番柳一枝拚爲君折燭醉前宵雲吟萬里帶去長
安春色光陰轉驚料細雨蠻天跳歌聲歇草長花飛冶情都仗
舊鶯說 奇書續成滿篋早燈窗讀罷腸更縈結小店聽雞荒
山說虎定念故人新別天涯短髮怕冷絮相尋一簪催雪夢入
蒼茫竹王祠下月

夢橫塘

題石濤僧蘭竹卷子

嫩描尖葉老放斜枝染來濃墨如翠袖薄籠寒怕佩采騷人難
倚零露飄香回雲送潤待琴絃未想禪心畢靜配筍添苔前身
是瀟湘水 袈裟蛻去何年歎蕭疎眼底瘦影如此舊夢揚州
誰更問那番歌吹且幽谷冰魂喚到伴向紋窓弄秋碎蘚縫曾

題苦瓜殘欸付虛空彈指

石壽竹西歌吹圖余舊有詩苦瓜和尚其自號也

眼兒嬌

風無氣力雨還休何處說春愁
嬌眠懶起起來半晌纔見梳頭
烏衣也是相思伴尋夢到簾鉤
桃花門外楊花渡口夢去悠悠

醉太平

題畫

楊絲柳絲桃花間之萼芽新長
荻苗齊是河豚上時茅簷竹
籬誰家酒旗有人醉去欠題詩
補中仙小詞

河傳

樓外花黃雨蕭蕭聽過前邊畫橋
夢醒夢醒愁恁消迢迢綠波
烟一條見說歸期禡放後相望久
閒到荼蘼又萬重山行路

難衣單怎禁春後寒

太平時

一剪秋痕目瞬波夢纔過屏風十二冷金鷺雨迷多
幾日閉簾花落盡奈春何愁伊蝴蝶舞傴僂繡成他

少年遊

日長天氣倦停鍼踏遍落花尋梅豆青纔櫻桃紅了替換惜春
心養蠶漸到成蛾候梯影靜桑陰鄰女相逢一般睂樣不道
入時深

山亭宴

同王葑亭給諫

友亮

張船山檢討坐秋花間小酌

夕陽慣畫秋來處破疎紅幾花新吐宛似待吟朋聽屐響苔邊
暗度嫩涼今夕到尊前早不是尋常風露相對訴幽情只可惜

嬋娟暮酒人近可晨星數料天涯幾回能聚欲勸碧甯杯怕
溜出荷心更苦偏教冷語替人吟又催動草蟲機杼歸夢蝶蘩
蘩定繞芳叢去

南浦

王薌南司馬禮宦游江右余不見者十餘載矣今年夏
晤於都下述其仕路險巇令人惆悵無已因譜此調卽
題其南浦歸帆圖以遺之

雲飛畫棟剪江風吹過雁聲寒春水今番生早新溜放前灘料
理一帆歸去儘閒鷗陪我夢同還只柳枝猶短不堪攀處青眼
已偷看檢點故衫尙在道江州司馬淚休彈好是風波唱定
燈火報平安濁酒晚來須買攏輕舟已見舊家山怕夕陽回首
宦途辛苦話都難

八聲甘州

題張惺齋徵君

炯

池上草堂圖卽送其還宣城

算鄉關已到雁來時木葉漸紛紛正佳兒夜讀一蛩相荅燈火
黃昏怕是松蒼竹老烟水待鷗羣還送跨驢去落日都門差
喜菊花無恙要冬心共守濁酒溫存况對床風雨舊事好重論
問幾時寄來團扇訴相思畫山敬亭雲定知我倚欄干處一樣
思君

解連環

白蓮女史方氏揚州羅山人兩峯室也嘗請業於綠淨
老人許太夫人與其妯孫氏淨友小姑秋英暨里中汪
楷亭之妻袁夫人作九九消寒會唱酬成帙管平原曾
爲畫寒閨吟席圖今女史下世久矣兩峯以圖屬題因

次卷中王蘭泉侍郎韻酬之

年年歌吹歎前番綺閣誰尋吟味縱二分明月能來奈蘭炷銷
殘已灰心字想像雲衣尙竹外袖羅飄翠只玉梅花下三九交
時空暈寒思飛雲悄疑墮地記才高詠絮瑤管曾試甚夢痕
一枕天涯惱雙鬢星星爲伊憔悴落葉荒山怕樂府秋墳催起
惹情絲是蓮是藕暗牽宿淚

洞仙歌

題醉麻姑

釣天宴罷聽瑤笙吹送暈出明霞醉痕重想肩凭鳥爪似倦還
醒膏騰裏一簇銀河燈擁桑田看屢換笑指蓬萊仙桃須催
喚龍種身世託壺天多少丹砂纔點就糟邱眞汞莫待取桃花
幾時開怕爛却羅袞蝶飛如夢

夢橫塘

同劉芙初

剛籍

嚴少峯

榮

家香竺

瑛

倪米樓游蓮花泡

尋鰕菜亭不得

菱葉飄雲藕絲曳雨水風吹動涼信賸與鷗邊颭萬柄枯香猶
凝無限淒迷小亭何處夕陽紅隱記沙墟幾里隔渡喧生船來
否烟中問頻教撥觸鄉心道尊鱸一箸舊夢堪省晚飯呼燈
愁負了柁樓風景料滋味江湖不遠說與漁朋約能準草屨撈
時瓦瓶澆處待圓茅支穩

解語花

查小山

有圻

屬題其姬人玉窓清影

移春檻近索笑簷低偎著梅花影綵毫香凝休猜是粧閣畫眉
纔竟吟心暗領只點屐聲聲誰聽憑曳來山字肩斜鏡裏郎偷

並回首明蟾四映定前身修到幽魄堪證夜深人靜分明憶
前度煮茶風景東風太冷盪一樹玉烟無定思酒闌半臂須添
還剔燈潛等

高山流水

米樓有高山流水圖屬余題者二年偶遺篋中久未
得報今秋值其奉諱將歸慰問之餘離情愴惻因書此
調還之山水之音不足以喻其哀也

一天慘碧共煙生付湘絃彈出凄清孤雁帶霜回平沙又落寒
聲相思處只隔雲橫依稀有多少山長水短夢不分明算知音
賸我獨坐望江城冥冥真州舊遊在慚負了幾箇鷗盟愁與
訴蕭騷怕惹指外離情甚天涯淚雨重零扁舟去料得鵲啼鶴
唳已是難聽况爬沙古怨風雪迫歸程

下水船

秋後寫望

收拾西風去留了不多紅樹畫裏蒼茫遙認夕陽歸路雁來處
只帶微雲一片又化天涯飛雨蛩無語冷落青苔暮還借幽
人小步一桁沽帘倚來禿柳如舞田蓑聚爭索墟頭醉好老瓦
澌澌涼注

有正味齋詞集卷四目錄

錢塘 吳錫麒 聖徵

佇月樓琴言四

臨江仙

市中退直歸澄懷園錢繡堂前輩招同陳伯恭秦易堂錢湘舲陳梅垞飲于蓮葉西齋酒後振觸歸心因填此調

高陽臺

題蕭照中興瑞應圖

紅娘子

菩薩蠻

題陳雲伯碧城仙夢圖

浪淘沙慢

請益得歸買舟欲下新知舊雨排日邀留幾匝月始得成行周草窗詞云南陌脂車待發東門帳飲正闕其情景正復相似因即用其調以寫余懷兼酬諸君子見贈之作

浣溪沙

東光酬潘厚甫大令

齊天樂

游俗宿碧霞宮作

百字謠

題林孃天素自書行李單今在黃小松司馬處

氏州第一

六月二十八日潘洽泉汪古愚招集徐氏桐花舫飲飲極適幽思
俄生古愚據石彈琴爲奏昭君怨之曲其聲淒惻動人余製此詞
亦以塞外之音寫之用酬其旨

木蘭花慢

韓旭亭家居吳門所葺小林屋卽其曾大父貞文先生洽隱園也
先生與鄭君敷教金君俊明皆爲勝國遺老鼎革後互稱名節朝
夕于斯後旭亭之兄健屬吳興沈宗鸞爲書洽隱園三友圖今又
三十餘年矣旭亭來徵余題語此應之貞文先生諱馨字幼明少
有聲南雍黨事起幾羅于禍五人墓碑其所書也貞文蓋私謚云

摸魚兒

題郭頻伽盟鷗圖

月華清

爲祝仁泉題林竹翳如圖卽送其入都

摸魚兒

題陸嵒梅漁莊九曲圖

掃花游

題趙丈寶岑白雲春草圖

壺中天

送劉澄瀾還京

齊天樂

壽蔣東樵八十

雪獅兒

題胡柳清悼亡詞卷

百字令

阮芸臺學使重摹竹垞圖屬題即用卷中原韻

國香慢

題李秋錦徵士藝蘭圖

看花回

春草圖乃趙谷林先生小築今其曾孫侍庵乞詩

壺中天

讀張深卿紅杏詞愛其情味綿邈可以繼聲竹翁根觸舊懷恍如夢
老冉冉至矣停燈聽雨有述于言

萬里春

醉太平

春雲怨

揚州張友棠孝廉有女曰得珠幼通經書性閒靜許字同里汪生博歸
有日矣以中晷卒嘉慶戊午七夕前四日也孝廉有詩哭之甚哀余今

年一甥女一姪女皆以痘瘍柔情根觸老淚縱橫因述此詞以慰孝廉
并志余痛

荔枝香近

朱敬亭新納閩姬字之曰荔枝乞余以詞贈之

淒涼犯

顏心齋來揚州出示鄉滿字山水花木卷後題跋如簡齋魚門荊谷
瘦銅皆先後謝世追憶舊雨愴然賦之

菩薩蠻

前調

前調

東風第一枝

儲香廬題陳炬壽生梅花小影

齊天樂

華秋槎罷官司馬雷帶杭州僦屋于西湖僧舍所謂寶雲別墅者在葛嶺之下名流方外時時過從石門方蘭畝為寫北山旅寄圖余題此闕

氏州第一

題施柳泉讀書秋樹根小照

徵招

汪翼亭家休寧之雙橋上江湖游劬有故鄉之思因自號雨水雙橋一釣翁屬石門方蘭畝作圖傳之徵余賦此

摸魚兒

題沈詠樓晚晴東杖圖

金縷曲

題趙衡士憶儂篇

桂枝香

吳郡琴山在邵尉之西下視太湖如赴履焉山中桂花特盛足與邵尉之梅相匹吾友范放谷游而樂之閱十餘載時往來心目間因繪琴山叢桂圖以寄遐想卷中朱君家以此詞填詞余同其韻

夢橫塘

孫澄齋家居菱湖地有奎章閣其叔祖南畝公所建周環烟水兀峙中流菱唱漁歌清響互發今奎章晚眺為菱湖十景之一澄齋舊跡邇上有故鄉之思繪圖屬題為賦此解

瑞雲濃

題寄廬上人一船書畫去江南小照還其赴浙

剔銀燈

金長孺先生之官學博時其妹士可隨父任滇南監野畦制送之卷中花果多不能名蓋滇中物也其妹後歸王氏今國孫致素題

水調歌頭

趙穆亭水部名其樹曰邀月庵蓋者陳生爲圖余紀以詞

醉花陰

應天長

少年游

賀聖朝

過廢園有感

尋芳草

春盡日

於中好

晚過崇效寺

壺中天

重過澄懷園訪陳梅垞同年

前調

胡夢湘比部送其弟程之官浙中緡雨窗話雨園屬題

菩薩蠻

題手山雪意卷子兼寓驛省之感

洞仙歌

手山又有園林春盡圖劉芙初詞云爾春不住看春盡東風短了春人命蓋亦寫悼亡意也

摸魚子

再為手山題萍跡圖

百字令

沈眉峰同年自臺灣歸以秋林宴坐圖屬題海上回船風波乍脫於此中得大自在矣

一萼紅

吳興愛山講院以愛山臺得名臺在其後南宋時建蓋取東坡道場山詩尚愛此山看不足之句也暇日登臨雲物斐然與山遠近俯仰今古徘徊久之因用樊榭老人韻以寫其勝

湘春夜月

題周竹橋聽泉圖

石湖仙

不見家竹橋十餘年矣癸亥七月得遇于松江講舍流通話舊寒煙特深因出閉戶著書圖屬題會余病歸未踐前諾聞竹橋亦以是日偶與不久化去余緼綿床褥五月有餘其不同為天邊之鶴幾希矣痛起愴然仍用白石老仙白度曲并次其韻以題于後

憶舊遊

辛酉除夕載竹友與鍾非石陶巖香游虎邱山非石賦詩竹友見香各贈懷舊詩詞一闕歸而屬其友王澗雲繪圖紀勝今五年矣乙丑春余過吳門竹友飲余于護經書屋出此乞題即用原韻答之

清平樂

為米樓題重摹雲郎小影

摸魚子

題錢十蘭同年歸漁圖

有正味齋詞集卷四

錢唐 吳錫麒 聖徵

佇月樓琴言四

臨江仙

雨中退 直歸澄懷園錢黼堂前輩撫招同陳伯恭崇

本秦易堂承業錢湘船榮陳梅垞萬全飲於蓮葉西齋

酒後棖觸歸心因填此調

細雨忽沾灑柳陰暗處如裊爐烟漸霽茶清鐘報午聲圓聯翩
看招鵷鷺千花外共曳詩肩旁觀羨道十洲會罷歸去羣仙
流連名園似畫遙接官樹平縣有蓬池老手斫鱸尤鮮燈前話
烟波約今宵夢已到鷗邊聽簷角似送來篷滴身在吳船

高陽臺

題蕭照中興瑞應圖

泥馬祠空金牛湖冷照城光竟如何潤色丹青殘山已是無多
斜陽縱有閒金粉料難寫汴水荒波算贏來一著枯碁字裏黃
羅思量欲墮龍沙淚忍雙環撒却半臂拋過夢裏冰天恁教
隔了黃河荷花桂子都無恙怕高臺華竹哀歌賸神靈枉護冬
青愁滿烟蘿

紅娘子

蛩語徒徒碎葉響騷騷墜又滴青苔雨聲不斷怎生得睡算黃
昏直到五更頭只愁人滋味月也愁難替水也愁難洗半付
秋邊半兜心上似醒還醉待黃花紅樹一齊休問當歸寄否

菩薩蠻

題陳雲伯

文述

碧城仙夢圖

紅牆隔住銀河悄十二銅龍喚秋曉歎盡一窩雲玉笙雲裏聞
情波吹不起海色寒青膩仙語出桃花酒旗星正斜

浪淘沙慢

請養得歸買舟欲下新知舊雨排日邀留幾匝月始得
成行周草窗詞云南陌脂車待發東門帳飲正閑其情
景正復相似因卽用其調以寫余懷兼酬諸君子見贈
之什

潞河畔春波暖動理榜催發增我離憂百結難禁故侶惜別判
酒殘循環朝又夕看衫色浣處全碧只滋味心頭淚攬著酸甜
總難說 淒絕柳枝道且休折讓好句明朝歸裝壓字字飛白
雪嗟濫荷朝簪敢慕泉石和君鐺拍定樹頭驚起慈烏聲咽
天末從今相思積思今日落花送客縱春到來年歡更劇奈

去酒冷燈昏夢醒也愁心猶繞觚棱月

浣溪沙

東光酬潘厚甫大令仁

水活纔看長荻蘆亭空獨鳥下相呼誰箋禹貢問胡蘇
罷歛丁錢問小吏漸催亥市起荒墟知君新試活民書

齊天樂

游岱宿碧霞宮作

丹梯直上凌閭闔冥冥欲通天語白細如縈青長不了鍊索一條來路奇松對舞早透頂寒濤暗生雲雨穩著芒鞋採芝常願伴樵侶仙靈今夕會好聽瑤環翠珥飛響何處壑引虬吟林招鶴夢拓出瓊壺如許秦碑漢樹要明月呼來共論今古海色晴邊一聲雞報曙

百字謠

題林孃天素

雪

自書行李單今在黃小松司馬

易處

柳枝折未早纖毫落處都含行色約畧香奩風味在蝴蝶一肩
隨得賭酒生涯愛茶情緒同付烟波宅臨歧重點上船纔試紅
屐多半懺盡鉛華幾行疎瘦爭得詩人格那少紀程新句好
讀向西湖寒碧不了雲留相思苔老空指遺箋說小團瓢裏一
鐺來煮吟雪

氏州第一

六月二十八日潘洽泉

博

汪古愚

廷璧

招集徐氏桐花

舫歡飲極適幽思俄生古愚據石彈琴爲奏昭君怨之
曲其聲悽惻動人余製此詞亦以塞外之音寫之用酬
其旨

杯面邀涼桐陰暗轉虛堂已換秋早撥觸冰絲平沙萬里一雁
呼雲先到催入邊心料不是琵琶殘調恁柰烟霜蛾眉未染鬢
絲都老 不惜紫臺人去杳怕絃外訴愁難了颯颯沙黃蕭蕭
草白漸冷搖燈小便嬋娟能畫出憑誰破燕支一笑古恨蒼茫
付今宵蕪城夢悄

木蘭花慢

韓旭亭

是升

家居吳門所葺小林屋即其曾大父貞文

先生治隱園也先生與鄭君敷教金君俊明皆爲勝國

遺老鼎革後互礪名節朝夕於斯後旭亭之兄

與沈

宗鶴

爲畫治隱園三友圖今又三十餘年矣旭亭

來徵余題譜此應之貞文先生諱馨字幼明少有聲南

雍黨事起幾罹於禍五人墓碑其所書也貞文蓋私謚

云

借蒼烟片席寫水木倍清華看竹互松交迷迷古雪吹出疎花
仙家石枰劫後醉青山留浸一壺霞只合冬心共話柴門莫許
輕過堪嗟局外滿風沙舊夢老蒹葭斷碣殘陽傷心碧處
幾字欹斜天涯書圖展看認苔岑無數白雲遮合眼鬚眉宛在
飄蕭細雨窓紗

摸魚兒

題郭頻伽盟鷗圖

者清溪一條流水今番須作盟證十年孤負閒鷗約待放歸來
漁艇秋滿徑要軟裏裝衣坐占苔磯穩垂楊破暝看浴雪沙渦
尋烟舵尾撲簾下涼影平生數幾度漂萍斷梗一般蹤跡曾
並催人旅鬢如伊白憔悴怕窺清鏡回首聽聽斟酌橋邊唱到

風波定江湖夢醒傍楓葉蘆花心心照見月上一丸冷

月華清

爲祝仁泉

崧三

題林竹翳如圖卽送其入都

千箇栽餘二分取幾時茅屋新構翠鎖陰陰但響根邊紅溜
數知音流水曾調休袖了倚寒吟手回首放花光一面肯教春
瘦此去長安路遠念抖擻征衣雪深時候雁字關山報汝平
安知否料故園暗筍應抽漸迸損一方苔厚孤負到膏騰醉日
欠同尊酒

摸魚兒

題陸蒔梅

琇瑩

漁莊九曲圖

認灣灣綠楊圍繞結茅都在深處收來破網斜陽裏人影小于
飛鷺呼野渡但轉過橫橋便是回塘路沿陂細數正油菜薹黃

荷花草紫曲折響柔勝

平生憶最是薜蘿儔侶前街角里曾

住

沈虹浦佳所里街余往來嘉興皆主其家

春波已換當時碧讓汝去尋烟語還喚取喚漁

弟漁兄煮酒沙頭聚望衡對宇儘菱角歌來竹枝唱到一樣譜

琴趣

掃花遊

題趙丈寶岑

環白雲春草圖

二分明月照揚州前度有人吟醉晚風易起盪天涯夢影去來
如水草冷雲寒難寫故園情味待絃裏併廿四離騷彈作清淚
燕市曾記未早笛咽黃壚舊苔荒矣

令兄春帆先生與余同居長安數晨夕者數載今歸道山久矣

畫圖點綴更迷離一片最傷游子歸老湖山賸與春愁滿地鬬睂

翠只天邊亂峯斜倚

壺中天

送劉澄齋還京

秋風帆健破蒼茫暗被吳潮催發蟲語滿階林葉碎可惜一尊
涼別照我偏愁隨君欲去只有西湖月亂山如夢瘦來還認詩
骨遙念舊侶京華煙波興在相待燈前說莫悔斜陽吟未遍
負了青苔雙屐鶴外呼雲鷗邊卧雨消盡人間熱離情能繫短
亭殘柳休折

齊天樂

壽蔣東樗八十

綠楊城郭詞仙住西風洗顏如鍊杖瘦拖雲屨寬曳雨只有老
鷗頻見今年更健早吟過黃花一籬秋晚白髮尊前舊情猶自
酒痕戀當時同唱樂府歎天涯蹤跡空掩團扇村塾圖成湘
江夢在羨殺先生閒慣豪吟未倦要私祝長生脆調絃管催起

蟾蜍翠螺還共勸

雪獅兒

題胡柳浦瑤悼亡詞卷

柳浦妻孫氏善讀楚詞有疑碧軒詩二卷

蛩蛩冷幢幢燈暗鰥鰥目倦一枕西風難得更籌移短孤吟
未斷早淚織鮫珠成串涼花暝半蟾窺處影沉羅扇惆悵彩
雲易散便珊珊來也夢情都幻木葉天寒只戀楚騷前怨愁凝
草滿怕秋碧樹根先換抽玉管空憶鏡鸞相伴

百字令

阮芸臺學使

元重摹竹垞圖屬題即用卷中原韻

二分竹外記江湖載酒歸來曾泊老盡簷簷人不見讓與閒鷗
棲託淺葉波生藕絲鄉換重寫林泉樂愔愔琴趣翠聲天半吹
落誰復黃雀風中鬪雞缸滿相對斜陽酌秋水藉袈橋口路

遮護幾層雲
幙危石能扶
荒亭更葺高
致傳巖壑明
年荀候一
尖還迸紅角

國香慢

題李秋錦徵士藝蘭圖

圖後裝梁相國清標送行一詩今在其後人過孫處

詠罷循陔歎美人
老去香草空栽
還尋漾葭灣口
重認荒苔辛
苦鉏烟舊約更誰
紉湘佩歸來東
風肯將護長就
靈芽春返雲
階灌園圖並賞
恁比鄰朱十句
欠親裁王孫憔悴
應料同怨
天涯補入離筵
一曲賺江南好
夢催回招魂望
天末試鼓瑤琴
明月徘徊

看花回

春草園乃趙谷林先生小築今其曾孫侍庵乞詩

曾熟識沙鷗眠處都圍春水
恰稱亭臺位置襯明滅烟痕低吹

寒起東風人去舊日闌干誰共倚留夢後一縷詩情畫來都在
夕陽裏沿流去平橋雁齒掠眼過羣峰螺髻閒鎖虛簾靜綠
漸落遍梨花清明天氣疑無似有蝴蝶南園能認未待重尋謝
池幽韻好續洛陽新記

壺中天

讀張淥卿

詞

紅杏詞愛其情味綿邈可以繼聲竹翁棖

觸舊懷悄恍如夢老冉冉至矣停燈聽雨有述于言

一燈搖暈聽簷聲惹起尊邊懷抱同是無絃琴裏趣舊夢幾時
尋到柳折疎黃鷗飄瘦白愁向荒波照阻風中酒鬢絲都爲吟
老還共細數詞人尙書紅杏贏得聲名早半臂閒拋寒自忍
怕被樓頭花惱綺語分明柔腸宛轉綰住情多少玉壺茅屋滿
枝重賺春閒

萬里春

些些綠意作傷春天氣怎東風落盡花花只楊花是淚
無人替已愁到那人心裏怕明朝冷雨攪來把紗窓牢閉
淚縱

醉太平

桃花水生梨花酒清那能深似離情
驀兜來五更長亭短亭
烟汀雨汀楊枝纔過清明忍攀伊送行

寄雲怨

揚州張友棠孝廉本有女曰得珠幼通經書性閒靜許
字同里汪生傳歸有日矣以中暑卒嘉慶戊午七夕前
四日也孝廉有詩哭之甚哀余今年一甥女一姪女皆
以痘殤柔情悵觸老淚縱橫因述此詞以慰孝廉并志
余痛

風吹月墜攪一庭香影和花都碎可柰問天無語晚雨濺衣先
化淚條脫猶留迷藏難捉咫尺盈盈隔秋水空費工夫女兒箱
好幾日織涼翠人生最是多情累歎綵雲倏忽琉璃輕脆愁
殺西風畫欄倚白柰催簪也怕天孫不禁憔悴讀罷聞蛩酒闌
燈炮怎到故園夢裏

荔枝香近

朱敬亭

越

新納閩姬字之曰荔枝乞余以詞贈之

驀看紅塵飛也來一騎問拚幾斛明珠賭得羅囊紫憑教十八
呼伊恰稱嬌年紀還羨小結丁香最宜子芳譜讀真帖仿新
圖記夢到楓亭應識故鄉滋味么鳳偷窺一樣嬌香絳襦褪恁
及女兒膚細

淒涼犯

顏心齋

崇禎

來揚州出示鄒滿字山水花木卷卷後題

跋如簡齋魚門莊谷瘦銅皆先後謝世追懷舊雨愴然

賦之

二分瘦月垂楊外窺人已換華髮舊游冷落畫圖空在看成愁
碧挑燈淚咽怕重與青山對說甚隣家偏催夢醒笛裏幾波折
惆悵金陵路小舫疎簾好春時節梅花過了又桃花亂飄紅
雪要換生綃寫烟草蕪城暮色待君來痛飲十日莫話別

菩薩蠻

軟風吹過梨花雪明朝又是清明節簷口柳冥冥望郎難眼醒
正思迎接汝苦被風潮阻端的是憐儂翻教錯惱公

又

紅牆攔得銀河住紅絲牽得良緣聚離合信天公單情獨苦儂

爐香飄乍起半晌成唐字門外九疑山教人真箇難

又

黃鸝三請人猶夢東風不晃流蘇動難得倚闌干那知花落寒
怕見紅芳歇窗外憑人折折去驀思量蝶飛隨過牆

東風第一枝

儲香巖

桂榮

屬題程姬壽生梅花小影

就影尋煙投香討雪敲空飛響吟句舊遊閒了歌船寫入孤山
暮雨疎花幾點怕也是前生嬌女問甚時修到冰姿未減晚粧
情緒人靜也月華徐吐風起也玉鱗低舞尙疑翠羽來時夢
裏贈伊軟語天涯相憶莫便化行雲歸去倩夕陽畫向春波一
笑鏡中應許

齊天樂

華秋槎黃罷官司馬留滯杭州僦屋於西湖僧舍所謂
寶雲別墅者在葛嶺之下名流方外時時過從石門方
蘭坻爲寫北山旅寄圖余題此闕

一株鴨脚橫遮處門外恰臨烟水宿雨辭林鮮雲被石濃裏半
房秋翠倪黃畫意問寫到湖山寓公能幾且被羈愁夕陽來共
冷紅醉人生都似萍寄無田歸未得偏羨廉吏竹外絃詩花
間命侶占了白鷗身世謳思未已賸心上甘棠待回餘味那許
丹青置君巖壑裏

氏州第一

題施柳泉

彭齡

讀書秋樹根小照

高樹銜晴斜照又晚餘暉閃閃堪惜就石搜涼剗苔借翠孤擁
縹緗盈尺吹過清聲剩幾葉風中翻碧細碎蟲魚縑絲絡網麝

煤蹤跡 笑我妃豨辛苦熟也磨瘦年年吟骨下學光陰西風
幾度早一簪繁雪臘丹黃殘帙在問奇字流螢恁識讓與吟蛩
伴幽人微聞歎息

徵招

汪翼亭

殿業

家休寧之雙橋上江湖遊劬有故鄉之思

因自號兩水雙橋一釣翁屬石門方蘭坻作圖傳之徵
余賦此

烟蘿暗鎖雙橋路蕭蕭冷風飛響題遍故山秋有沙鷗惆悵晚
風吹月上恁孤負柴門開向一夢扁舟酒餅閒卧破堆漁網
嚴灘憶前游松篁裏多是畫眉來往蹤跡老天涯臘斜陽無恙
溪流應更長待搖曳詩人歸榜倩圖裏染出紅衣認戴家新樣
摸魚兒

沈文詠樓晚晴曳杖圖

驀斜陽閃來峰頂滿衣全染空翠枯筇偏戀疎林晚曳向無聲
詩裏行未已看緩度溪陰落葉和涼墜盟山欵水正野鷺翹時
村牛浴處瘦影一枝倚蓬瀛夢莫惜青鸞鍛尾稗龍還逐雲
起阿翁自足東籬興慣被黃花留醉歸仔細道三尺輕攜便可
奚童比柴門近未漸新月鋪黃鏗然響戛獨自下烟際

金縷曲

題趙衡士悼儷篇

密語拋紅豆記幽窓盈盈笑語小時攜手可奈占星逢張角好
事幾番拖逗早斷峽行雲歸後夢到圓成還又阻守東風耐得
桃花瘦膠堪續慶佳耦山盟海誓期長久伴年年荔支香裏
畫簾清晝不料琴堂聲絛奏已近折絃時候道魚目鰕鰕依舊

辛苦牽蘿曾補屋，臘竹邊似倚天寒。袖營齋奠可知否。

桂枝香

吳郡琴山在鄧尉之西，下視太湖如赴履。鳥山中桂花特盛，足與鄧尉之梅相匹。吾友范放谷來芝游而樂之，閱十餘載，時往來心目間，因繪琴山叢桂圖以寄遐想。

卷中朱君

棠

以此調填詞，余同其韻。

涼琴晝寂，臘青山一角，飛響黃雪。占斷秋芳，只有此花幽潔。湖光捲入銀鸞影，儼登臨、廣寒宮闕。滿天風露，單衫耐冷，那回孤立。試證取前身明月，曾約我吳剛舊時游客。自笑青鞋孤負天香時節。西風換了淮南夢，待重盟、故山蘿石。別來無恙，斜陽好在畫圖金碧。

夢橫塘

卷之四

孫澄齋承祖家居菱湖地有奎章閣其叔祖南齡公所
建周環烟水兀峙中流菱唱漁謳清響互發今奎章晚
眺爲菱湖十景之一澄齋羈跡邦上有故鄉之思繪圖
屬題爲賦此解

四圍臨水一角峩風舊時高閣誰到瘦盡菱花賸萬葉涼浮烟
悄橋外移帆樹頭張網漫延秋眺儘羅裊褶褶畫滿鴛鴦人何
處斜陽老得歸便合歸休况白鷗舊約渡口催早莫負漁餐
料比似官厨應好只愁我揚州夢誤怎把西湖也抛了下若新
鶺渡江船去願芳尊同倒

瑞雲濃

題寄塵上人一船書畫去江南小照送其赴浙

訪秋約在晴湖幽鷺相喚蕭柳斜陽畫圖展歸心暗逗但說到

打包偏慣淦淦渡江雲其孤帆斜轉料理詩囊定早有烟霞
貯滿舊社西冷縱今換疎狂容汝道鶴去揚州尤健米汁能參
酒旗風軟

剔銀燈

金長孺先生之官學博時其妹士珊隨父任滇南畫野
畦圖送之卷中花果多不能名蓋滇中物也其妹後歸

王氏今曾孫綬索題

龍女種花歸矣

雲南點蒼山寺內有龍女花云龍女手種

小筆香奩能替桃竹分紅木蓮襯

碧尙有蠻烟吹起滇書注未怕難識藤蕨名字惆悵行分雁
翅寫向柳絲風裏雲水千重湖山一角愁仿楊家妹子殷勤荅
汝定遙盼大雷書寄

水調歌頭

趙穆亭水部

承杰

名其榭曰邀月屬畫者陳生爲圖余

紀以詞

持此一杯酒今夕祝蟾蜍孤心莫挂雲際千里盪模糊多少松
蹊鶴逕只待銀輪推上和夢浸瓊壺如到廣寒府花影醉來扶
轉晶屏移翠幌上銅鋪玫瑰先破紅笑誤當玉盤呼乞得團
圓佳約且要金尊美滿萬古共歡娛何日江湖去相對在菰蒲
醉花陰

收了紙鳶風色定只有愁難醒昨日又清明軟曳新煙畫透春
波冷 去去柳絲爭糝徑天氣晴還暝最艷是斜陽一抹胭脂
紅到桃花影

應天長

茜香髻子梳纔就偷覓閒情階下走輕釵溜單衫皺人在落花

風裏瘦 樓心曾拜否 眉月一梭斜 逗畫向鵝兒新柳春愁濃
似酒

少年游

江南三月聽鶯天 買酒莫論錢 晚筍餘花綠陰青 子春老夕陽
前 欲尋舊夢前溪去 過了柳三眠 桑徑人稀 吳蠶纔動 寒倚
一梯烟

賀聖朝

過廢園有感

晚烟綠染冥冥雨 向梨花吹去 東欄人立一般如雪 徃時情緒
尋巢燕到今無主 只呢喃孤語 拚教春去最愁閒了 游紅窗
戶

尋芳草

春盡日

揅了一番醉又揅了一番離淚送春歸問春歸何地花無語燕
還睡覺道甚心情只愁來有些愁味戀東風悄向闌干倚芳
草外拍天水

於中好

晚過崇效寺

苔幢不蝕前朝字尙能識棗花遺寺老蟬也解真空義卸紅蛻
袈裟地問師提去西歸履可重放松枝東指謂亭上人一聲清磬
涼如水寫經榻留雲睡

壺中天

重過澄懷園訪陳梅垞同年

煙蒼水白倚風前脈脈荷花無語鶯過小橋尋夢遠吹響半空

涼雨魚戲東西驚飛上下同在香中住鬢毛如雪一襟誰浣塵
土猶記退直歸來碧簫溜酒共話田園趣唱到風波何日定
早有青山延佇二品官高

三霄露重難下尊鱸箸冷楓門巷讓吾茅屋先據

前調

胡夢湘比部稷送其弟穉之官浙中繪雨窓話雨圖屬
題

者般疎滴悔不把簾外芭蕉移去攪得黃昏愁未了添上翦燈
情緒暫緩鞭絲徐停笛唱酒味荷心貯簷花細落冷蛩同訴婁
楚感我飄泊天涯故園不見吟盡相思句怕有涼空新雁到
更逗離心南浦聽水攤衾呼風挂席漫擬江郎賦篷聲彷彿此
情明夜尤苦

菩薩蠻

題手山雪意卷子兼寓騎省之戚

飛瓊乍醒游仙夢。珮環不響風微送。吹緊一窩雲。梨花蕩軟魂。
墻陰如有月。翠羽無消息。獨自立青苔。綃衣來不來。

洞仙歌

手山又有園林春盡圖。劉芙初詞云。留春不住。看春盡。
東風短了。春人命。蓋亦寫悼亡意也。

鶯啼夢。破積寒煙如水。慘綠無端把春替。臘朱旛三尺。難禁東
風紅雨外。換了招魂題字。銷寒逢九九。記染燕支。要乞靈緣。
畫圖裏。甚園林轉眼。碧暗香沉。竟拋得落花苔。瘞最苦。是天涯。
跨驢人。早飛絮前汀。併成清淚。

摸魚子

再爲手山題萍跡圖

問東風別來無恙偏憐人在羈旅閒鷗共說江湖夢多少旗亭
堪數重喚渡剩一片空濛昨日楊花路前身證取正雨壓浮蹤
煙攢浪跡欲散又還聚天涯遠不管那邊離緒星星一陣吹
去春江也到愁時候盪得綠波如許歸屢阻更半約晶奩劃住
斜陽暮飄零誤汝只片段吳綃紅淒綠慘畫出斷腸句

百字令

沈翁峰同年鳳自臺灣歸以秋林宴坐圖屬題海上回
船風波乍脫於此中得大自在矣

一聲彈指早波瀾畢靜秋清如許瀟灑不爭高蓋在儘有遮頭
涼樹峰落奇青雲收殘白吹過修羅雨破帆無恙夕陽能住須
住回念海嶠蒼茫青紅洄洑橫截飛濤去鼉吼鯨呿爭變幻

難得靜消聲鼓失馬非憂聞雞莫舞且博林泉趣閒燒紅葉
尊仍約鷗侶

一萼紅

吳興愛山講院以愛山臺得名臺在其後南宋時建蓋
取東坡道場山詩尙愛此山看不足之句也暇日登臨
雲物斐然與山遠近俯仰今古徘徊久之因用樊榭老
人韻以寫其勝

趁筇輕向亂山影裏來領古今情折竹留寒危苔助滑幾載惟
有雲行送不盡斜陽歸鳥就林缺高塢指飛英直接蒼茫煙無
尋處眼底先青莫悵寒壇依舊只梅花一味別有春生半臂
歸來大瓢負出夢醒休說功名但贏得酒傾下簪變鷗波常願
繞孤城回首髯仙到也月上空亭

湘春夜月

題周竹橋

炎聽泉圖

響泠泠宛然琴韻飛來那料入抱枯桐猶未古囊開劈破一條
巫峽只虛空流水噴雪成堆怕出山易濁寒雲擁住澗口先回
鸞飛鳳嘯天風浩蕩明月徘徊聲在無絃甚聽到綠陰眠處
絃語偏哀知音去後料海濤已息喧飀但石上借清涼一霎松
花如雨閒理茶杯

石湖仙

不見家竹橋十餘年矣癸亥七月得遇于松江講舍流
連話舊淒惋特深因出閉戶著書圖屬題會余病歸未
踐前諾聞竹橋亦以是日得疾不久化去余纏綿床褥
五月有餘其不同爲天邊之鶴者幾希矣病起愴然卽

用白石老仙自度曲并次其韻以題于後

蒹葭前浦認烟水微茫寒樹遮處閒煞玉堂仙滯青山歸雲懶
去重門虛掩早隔斷世間歌舞誰與只破瓊坐擁千古東華
罷騎瘦馬賸詞囊飄零俊句一面前緣易換江城秋雨極目天
空斷霞如縷玉房金柱聞笑語琅嬛舊是仙府

憶舊遊

辛酉除夕戴竹友

延介與鈕非石

樹玉

陶鳧香

梁游虎

邱山非石賦詩竹友鳧香各譜憶舊遊詞一闕歸而屬
其友汪澣雲梅鼎繪圖紀勝今五年矣乙丑春余過吳

門竹友飲余於護經書屋出此乞題即用原韻荅之

甚攜來冷伴提著枯筇有此幽探依舊吳宮地歎繁華如夢又
過今年定記幾家門巷綵勝各爭妍只剩下空山市喧不到落

日鐘邊 留連樂無事任諮禪坐石說虎斟泉薜蘿紛在眼算
新逋難了最是詩箋且蕪一盆松火吟罷就雲眠待改歲梅開
重邀鄧尉同進船

清平樂

爲米樓題重摹雲郎小影

一窩雲軟偎得梅花暖百首珠罪纔許換不管老髯吟倦單
衫窄窄新裁宛然出浴圖開尺八閒拋石上相思黏住青苔

摸魚子

題錢十蘭同年

站歸漁圖

道蕪鱸西風一箸故鄉滋味堪戀輕便要換薑苗屢踏遍夕陽
沙軟沿岬轉只釣竹蕭蕭擔向肩頭慣前溪去遠趁蘆著花肥
楓吹葉瘦尋箇白鷗伴功名事渾與浮雲等幻栽花心手都

倦拖烟曳雨尋歸計局外管誰長短休笑懶料有甚鮎魚肯受
長竿罾柴門閉晚任獨木船橫空心網挂爛月曬來滿

有正味齋詞集卷五目錄

錢塘 吳錫麒

三影亭寫生譜上

春從天上來

初陽臺觀日出

西湖月

晚雨初歇涼月在空中對鬱淺眉已含秋意

壺中天

秋夕同人集寒香館待月

永遇樂

壬戌中秋平遠山房待月

水龍吟

來薰堂觀雨

梅子黃時雨

梅雨約倪文嘉樹同賦

徵招

積雨連旬書言及榻有老杜舊雨不來之感

高陽臺

秋雨

無悶

雪意

鎖窗寒

秋烟

望湘人

春陰

宴清都

秋陰

戚氏

秋聲

眉嫵

秋山

眼兒媚

山眉

前調

山額

南浦

春水用玉田韻

齊天樂

浪花

無悶

寒原

壺中天

陳古華太守索咏荔枝石

瑣窗寒

蕤廬詞話京師冬月既以紙糊窗格用琉璃片畫作花草人物嵌之此歐陽楚功詞所謂花戶油窗也

前調

涼棚

憶舊遊

秋寺

西子妝

題葉樹先生湖船錄後

前調

吳俗習六柱船飾以簾幔半燈照春鴨爐張夕木瓜茉莉之屬先時雜陳其名曰盪湖復有打漿小娃慘舟彼美分眉寫黛重宿安花洵欲界之仙航亦柔鄉之寶筏也

疎影

帆影

百字謠

酒帘

青玉案

查篆仙觀察於揚州高吳寺見梅壑道人遺硯住持如長老知爲查氏故物遂以歸之觀察爲文記其顛末并系以詩余賦此詞

天香

張芭室所藏石綠一枚明隆慶年物上有龍香御墨四字

前調

小香南館賦高麗紙

瑞鶴仙

起吳興私印拓本桂未谷索題

月邊嬌

宋緯絲月中攀桂圖集三硯齋賦

玲瓏四犯藕心鑲沈麝尊索賦

滿江紅秘戲錢

天香龍涎香

前調蕙雪

八寶妝題張芭堂羽扇譜

合歡帶蜀府扇

天香薛鏡

沁園春閨中用素紙簿收置零星絨線等物杭俗謂之鍼線本張船山檢討以東野有放貼理針線非獨學裁縫之句云當裊為鍼線帖作詩索和余製此詞答之

轆轤金井詠走馬燈

高陽臺西瓜燈次金棕亭韻

齊天樂細竹

金菊對芙蓉

元鼎登

瑤花

茉莉花籃

解語花

咏橄欖花

天香

烟草

百宜嬌

檳榔

有正味齋詞集卷五

錢塘 吳錫麒 聖徵

三影亭寫生譜上

春從天上來

初陽臺觀日出

臺古山空鷲唱起天雞烟散濛濛先生遠岫影入長松扶桑萬
里霞紅早一輪端正和海色飛出天東隔前林聽鴉聲纔動樵
語旋通 蒼茫俯看塵世正夢繞行雲曉睡都濃露洗涼衣風
吹欹帽何人畫我支筇儘染成秋意休更數冷淡江楓盪心胸
現羣峰璀璨金碧芙蓉

西湖月

晚雨初歇涼月在空彎彎淺眉已含秋意

滿天翠雨飛殘。又洗出烟邊一痕月。細畫蛾風韻。香奩小筆。慣
搜涼意。蟾關秋尚早。恁寫得秋心和影碎。更暗浸幾葉梧桐。化
作一庭空水。旋催紫豆花開。聽多少蟲機。曳餘蕭緯。笛聲遙
答伊涼。換譜素娥知未。團圓應有準。待問訊。天香風露裏。惹嬌
女。未是愁時。拜來簾底。

壺中天

秋夕同人集寒香館待月

銀雲捲盡。早寒空似洗。涼魄初逗。花底爲憎秋太艷。斜挂一痕
清瘦。涼葉低翻。絲蟲暗墮。素影徘徊久。天涯人意。數愁先到。歌
酒。會照千古繁華亂。蛩衰草只二分。依舊我亦闌干。尋昨夢
難問。凭時羅袖。靜響畱鐘閒。情眷笛露冷黃昏後。催教團滿。隔
宵吟。醉還又。

永遇樂

壬戌中秋平遠山房待月

判斷秋心撥開雨脚涼動澄宇借酒先邀停琴更佇目極銀河
路水聲雲學林聲風送聽換羽衣新譜只清光迷離不定一珠
嬾向烟吐闌干起拍素娥前約料也不應虛度乍閃廊罾徐
流屋角爭得銀鸞舞樓臺照遍有人愁倚怕已桂花期誤忍重
催鏡掩中宵者情更苦

是夜月食

水龍吟

來熏堂觀雨

晚雲忽涌芙蓉滂然失却前溪翠平波萬頃白烟橫捲亂跳珠
碎小扇初停單紗漸薄江南秋意惹水芝無數紅搖碧顫纔半
霎香都褪徐聽嬌雷碾過帶涼痕碧天如洗遮畱俊侶闌干

拍遍菱歌初起
磬墮風前絃生竹外
一蟬催霽早消殘簷滴明
蟾漾影在湖烟裏

梅子黃時雨

梅雨約倪丈嘉樹一擊同賦

雲葉粘空放林角半晴旋又催雨
賸麥後殘寒玉簫凝聚猶有
賀家滋味在餘酸送過江南路
重屏暮別夢醒時聽聞蛙鼓
閒觀綠漾漾處已金丸透輕墮
無數問浣壁新痕墨花誰譜
獨立蒼苔人不見隔簾吹潤銀
箏桂陶瓶貯試尋煮茶風趣
徵招

積雨連旬青苔及榻有老杜舊雨不來之感

濛濛濕氣和烟漬山薑病花尤苦
空際捲涼濤向檐牙掀舞屐
聲深巷佇歎前約翦燈頻誤一
夢西園暗苔空綠燕歸無主

淒絕又黃昏吳娘遠蕭蕭舊歌誰譜鬢雪種先成恁秋無尋處
草蟲渾不語怕迷了江南來路畫圖裏破傘遮頭認蒼山行旅
高陽臺

秋雨

荷網粘珠苔鬚濕玉絲絲灑破秋陰飛上疎花漸教清淚盈襟
西風不是催愁客是愁人聽到愁深又聲聲聽打芭蕉攪碎鄉
心淒涼誰共挑燈語歎門堆落葉床擁孤衾人遠天涯滿城
響答寒砧今宵莫恨妨歸夢掩江關夢已沉沉只催租怕近重
陽損了幽吟

無悶

雪意

寒壓雲低遮絮護花爭得東風早晚任凍雀梅邊幾番偷眼盡

日陰晴不定逗一線樓頭斜陽短寫成畫本模糊粉墨試看天
半深院小門掩聽笛唱聲聲玉龍曾喚好料理尋詩預商驢
券莫遣圓珠化淚便惹起梨花春來怨待夢裏蝴蝶尋歸定識
灞橋人面

鎖窗寒

秋烟

變不成雲吹能作雨悄和涼聚丹黃未染預畫數峰疎處
風前溪送來似攔水口渾無路只雁聲遙遞江湖一白暗聞柔
艣延佇誰尋語又潦盡潭清荻邊凝洄斜陽淡了望到歸帆
還悞莫飄空都化水飛漸連橘柚寒又暮道沙汀移過多時
蠓火星星露

望湘人

春陰

慣畱寒弄暝非雨非晴誤拋多少春色半帶閒愁半迷歸夢黯
黯蘼蕪空碧閣處雲濃禁餘烟重欲移無力最晚來如雪東欄
一樹梨花明白孤負觴簫巷陌已清明時過嬾攜游屐只潤
逼熏爐約略故香畱得天涯燕子問伊來也可有斜陽信息聽
傍人半晌呢喃似怨暮寒簾隙

宴清都

秋陰

楓葉今朝冷吳帆外夕陽千里無影竹光杳冥楊絲掩冉作去
成淒迴尋烟說與西風載涼意都輸小艇好畫來鷗鷺明邊幾
莖蘆絮搖暝江湖況味曾諳年年消黯空覓吟興菰蒲舊夢
梧桐別恨幾時能醒無端釀雨商晴邊一片秋心不定待笛聲

喚出同看明蟾樹頂

戚氏

秋聲

怕秋悲秋來偏已耳邊知碎竹廊前老荷叢底幾聲飛遲遲弄
參差林梢掩抑送斜暉須與萬籟遙答滿空商氣撼牕扉風也
雨也都和砧杵擾成一片淒迷便些些碎碎如怨如訴茅屋東
西雲外最苦猿嘯山木響合慘慘動相思何堪又雁調哀柱
蟲曳涼機惹歔歔玉漏暗共宵移二十五點高低數從枕畔暈
入燈邊老盡千丈華絲更有消魂處客窗倦讀問夜何其不
信吹來落葉驚開門滿地月如篩此時遠望茫茫似醒似夢莫
話蕭條意甚釀來多作愁滋味度樓角笳正淒淒引水邊笛又
枝枝惱人是欲睡不成時且呼童起吹蘆捉火獨自絃詩

眉嫵

秋山

趁纖蘿裊裊禿木騷騷描出一痕瘦側閃歸鴉去蒼茫裏斜陽
微帶寒逗鬢鬢更秀露幾尖雲外踈透漸前徑聽唱樵歌起葉
聲踏來驟曾記招邀吟友向最高頂上同賞重九眼底冷紅
飛淒涼甚年年孤負莧酒翠蛾似舊早影涵新雁飛又愛獨立
危峰端正獻青戶牖

眼兒媚

山眉

纖纖粉本卓家來點染出新裁春濃秋淡烟橫霧皺十樣圖開
曉粧暈入菱波裏妬殺小漁娃蛾分八字螺堆五斛可惜天
涯

又

山額

烟邊一角認微茫
亂髮覆松篁
洗頭纔罷蒼苔帖
翠夕照塗黃
六朝金粉當時見
描畫只尋常
天然付與梅花萬樹特助寒
妝

南浦

春水用玉田韻

溪口夜來生便和烟帶雨溶溶流
曉漁婦理粧窺纔今日鏡面
峭寒新埽樓臺倒影藏春莫道瓊壺小
眼底綠波如畫就亂浸
四圍花草
相逢不戀萍蹤只依依南浦鷗盟未了
時節過前
裙問天上何日畫船人到魚書杳渺
年年杜若香生悄那料尋
源來又誤吹得落紅都少

齊天樂

浪花

紛紛浪擲東風裏低蓬濺來無數幾朵吹翻一窩撲碎打槳聲
中掀舞芳心淡貯愛颺雪跳珠萬荷深處暈入烟波枉教偷眼
到鷗鷺吳淞新翦半幅認羅裙學繡凝盼還誤的顰呈圓玲
瓏結串每帶回潮涼聚何曾久駐只泡影虛空畫禪能悟水枕
頻歌滿衣生暗雨

無悶

寒原

雲不分明遙接雁邊知隔荒蕪幾里只菜校霜晴略餘寒翠道
是牛羊下也早逐隊蕭蕭斜陽裏寺鐘漸歇烟迷斷塔一山如
睡沙尾正舟艤畫待渡行人瘦鴉偏似更幾筆蕭蘆冷添風

意料得明朝雪大已凍墨模糊塗空際獵火宵看好認北平飛
騎

壺中天

陳古華太守

廷慶

索咏荔支石

楓亭人到認攜歸皺紫陳家堪數落地星精能幻化似要筠籠
盛取著色邀憐畱香待擘漫許神仙煮支機持贈阿環微笑偷
覷還念寶晉齋中老顛拜後聲價誰同汝賭取輕紅三百顆
合入端明新譜連理因緣側生情味團結雲根古清饒解否袖
來猶帶烟露

瑣窗寒

蕤歊詞話京師冬月旣以紙糊窗格用琉璃片畫作花
草人物嵌之此歐陽楚功詞所謂花戶油窗也

梵字櫺交冰油紙滑玲瓏一片年光小雪不怕峭寒凝晚盪東
風梨雪亂飛似在琉璃影中見驀夕陽明滅金迷紙醉那家庭
院閒翫幔徐捲認畫向青紗折枝花滿多情遮護幾度夢魂
歸緩早前廂春聲乍催悄地重窺那人面勝荷時冷布粗疎背
裏傳嬌眼

又

涼棚

縛架參差鋪簾熨帖滿庭通翳玲瓏四面透入柳絲風細認分
明停雲不流換教午景清于水最晚晴倏忽乍舒還捲一繩斜
曳堪記陰陰地正雪藕冰瓜玉壺可擬連宵坐雨更訝江湖
篷底早天涯催人夢歸夢尋老屋畫圖裏認門前黑壓松毛洗
殘索涼醉

憶舊遊

秋寺

認紅牆、菴柳白塔，頽陽尋到僧家。滿地蒼苔冷，恰清涼世界，鐘鼓無譁。石床要圓茶夢，同證木犀花。訝壞色偏明，黃分幾葉，吹上袈裟。天涯打包去，問瘦影誰來，月下門撾。爲愛經聲好，早鳴蛩相喚，幽徑穿斜。尙記飯分香積，滋味晚菰誇。賸鴨脚空廊蕭蕭，此際歸暝鴉。

西子妝

題樊榭先生湖船錄後

霞水雙篙，星萍一棹，寫得烟波千古。曾向湧金門外，望湖風流慣。尋鷗語，新題舊譜，把花月都爲畱住。總相宜，道銷金鍋子，并銷愁去。頻年誤阻，風中酒殢，我天涯路。如今圓合西湖夢，問

吟蓬美人遲暮尊前試數已零落游紅牕戶響菰蒲搖入孤山
冷雨

又

吳俗駕六柱船飾以簾幔羊燈照春鴨爐張夕木瓜菜
莉之屬先時雜陳其名曰盪湖復有打槳小娃摻舟彼
美分眉寫黛量髻安花洵欲界之仙航亦柔鄉之寶筏
也

蓬槐籠紗柁樓坐玉粧點十分春滿生來只解浮家好盪烟波
者般柔軟回塘乍轉看齊繞綠楊停遍問東風恁等閒識得情
深難淺尋烟慣不負鷗盟肯把心盟換水窗踈處笑傳杯溜
秋痕半斜嬌眼歸來且緩最愁是酒闌人遠漸羊燈隱隱已消
對岸

疎影

帆影

春江破凍看挂蒲遙泛輕影浮動樹底潛移烟底還迷閃閃乍
過荒壠波心一片搖溶處問帶去幾鷗殘夢驚渡頭掩却斜陽
誤認隔溪雲擁偏又飛來遠浦似憐人別緒千里常共荻渚
冥冥蘆花沉沉總被東風調弄寒添百尺晶屏上寫不盡天涯
愁重到晚來倦倚船娘付與月陰微送

百字謠

酒帘

舊扶醉處正斜陽閃閃擡頭重見不定光陰圖畫裏搖曳一竿
春軟紅樹旗亭綠楊城郭和雨和烟捲幾痕濃墨晚來疑帶鴉
點聞道索價新高行沽何處拚脫簑衣換風雪模糊樓一角

多少梨雲吹滿歌板因緣奚囊情味消得花邊慣燕歸能認傍檐徐掠雙翦

青玉案

查篆仙觀察諱於揚州高旻寺見梅壑老人遺硯住持如長老知爲查氏故物遂以歸之觀察爲文記其顛末并系以詩余賦此調

江山畫遍餘殘墨定費盡蟾蜍淚乙卯幾時人許替斜陽荒塚斷雲一片未共梅花瘞敗蕉響颺禪廊碎喜來駐青絲騎小篆紅絲名字記摩挲遺澤因緣如夢證向袈裟地

梅壑老人生年乙卯與香光同故自

稱後乙卯人

天香

張芑堂

燕昌

所藏石綠一枚明隆慶年物上有龍香御

墨四字

杵擣青霞丸分紺雪氤氲如聚龍氣兔魄團圓犀紋密栗小篆
故宮紅字蒼梧夢斷寫不了荒陵烟翠莫認傾來露掌銅花欲
飛還膩瑤窗四圍曉啟伴粧臺玉妃曾試漫數髣鴉染處冶
雲凝細只問纖眉學譜費素手勻調幾螺子賸付丹青斜陽遠
水

又

小香南館賦高麗紙

老蘭裁冰穉魚灑雪蠻箋十樣新展練映書明銀搖扇冷珍重
烏鄉來遠苔痕暈碧認鴨綠春江曾浣雲海清詞唱否芙蓉染
香纖管雞林問誰覓偏剖松花硯前吟慣冶髻暗窺還訝鏡
開菱面待寄相思不斷放尺鯉波心畫鱗軟怕坼聯筒情長恨

短金蔡松年使高麗爲館使賦石州慢詞有雲海遠來風霧髣髴之句見歸潛志瑞鶴記
試將以朝鮮厚兩紙作鯉魚兩面俱畫鱗甲腹下令可藏書以遺宋還嘗有詩云

瑞鶴仙

趙吳興私印拓本桂未谷穀索題

細紋凝古翠苔花老賸得王孫名字圖書舊時記悵白蘋風裏
難尋朱邸芝泥押紙似分來銅駝寒淚水晶宮遠問誰別恨紅
洗向烟水會對道場山色仲姬奩畔慣鈴眉史綠紗曲子催
鷗夢已殘矣只蠶頭緘碧繭尾堆愁空畱泥爪雪裏遜阿兄小
篆風流水仙葉底

月邊嬌

宋緯絲月中攀桂圖集三硯齋賦

圈葉攢花繞鏡檻低邊蟾波凝注麝寒承袖金寒籠釧掩映五
銖衫縷秋心聲碎料不怨美人遲暮尋來樹底怕溜下宣和釵

有正詩集卷五
股 定是詠罷霓裳衆仙歸去更畱遺譜籠連鈿栗回環繡結
收拾許多風露嫦娥宛在且莫問瓊樓今古金針度否乞一枝
分與

玲瓏四犯

藕心錢沈匏尊索賦

骨削玲瓏繞四面銅花微沁苔暈折盡秋絲還惹買香人問曾
記玉腕凝酥愛繫處一痕紅襯料佩來要乞宜男蓮子已通芳
信 幾時根自淤泥奮算銖銖沈郎偏近方塘慣結同心夢夢
裏逝波應省休要卜向天涯更惹寒芳餘恨待穉荷低茁且水
面前身認

滿江紅

祕戲錢

長壽宜男數吉識曾經萬選誰更把陰陽巧鑄雨雲重鍊誓約
怕同烏鰂墨迷藏不隔錢龍宴只君心難買殿西頭涼風換
男女式何須判歡娛會何嫌短但蟲卷蠶屈天長地遠色相難
空阿堵物畫圖又入菩提變笑有情榆莢蝶團團尋常見

天香

龍涎香

泊月槎橫浮烟路遠靈漿採自瑤島半晌銷寒幾番候火小試
那人纖爪微熏乍透漸折入簾絲徐裊被底纔醒殘醉依稀蜃
牕燈悄無端雨聲促曉映秦篝尙餘紅小不盡溫磨多向袖
羅閒繞莫認巫雲易散但萬里珠宮夢誰到寄與心心書空一
笑

又

龔壺

細屑紅泥圓瑯栗玉乳花凝注多少古色摩挲空窰指點可惜
搏沙人老酒醒擁被泥翠袖燈前斟酌時候重逢穀雨春旗須
試香早徐聽蚓吟鼎竅瀹清泉落花風到滿腹烟山真味貯
來應飽長日閒消箇裏定一枕茶天夢圓了好伴圖中蕭蕭石

鈿

尤水邨新畫坡
金石鈿圖見贈

八寶妝

題張芭堂

燕昌

羽扇譜

一撲鮮雲滿懷晴雪展卷尙餘涼駐曾訪金婆門巷遠踏遍斜
陽蕭路歸來飛夢月湖湖水明邊梳翎重識螺鬟女纔是合歡
時節煩遮眉嫵休羨比翼多情最憐羽客年年淮海催去數
歸信道伊應準怕歸自西風來處惹多少閒愁恁譜畫圖隔斷

秦鸞舞儘渺渺飛鴻橫空重寫張家賦

張九齡行
羽扇賦

合歡帶

蜀府扇

前身修竹摩空動搖處與涼通蜀紙麝煤新樣製鬪鸞環片月
差同蒜絡垂圓椒囊繫小競渡剛逢儘窺人畫簾堪賽眼波斜
趁玲瓏聚頭名好最關濃髥摺疊在懷中底恠秦鸞描不上
帶巴山濕翠濛濛撲罷蚊帳招來蝶夢香壓肌鬆只泥金幾行
字在怕教磨滅又西風

天香

薛鏡

對對分鸞團團鑲鵲藍波淬自茗水寶相圓成鉛華洗盡冷浸
並頭菱蒂淨和粉拭攪一撲湖綿紅膩疑在水晶宮裏曾窺仲

姬眉翠

星星髻邊愁起展冰奩幾番凝思莫惹箇中花影悄

彈鉛淚銘到宮娃小字賸不盡蟾蜍夜來意吉識須聽懷中抱

未

拾遺記魏文帝改宮人薛靈芸之名曰夜來

沁園春

閨中用素紙簿收置零星絨線等物杭俗謂之鍼線本

張船山檢討

問陶

以東野詩有啟帖理鍼線非獨學裁

縫之句云當稱爲鍼線帖作詩索和余製此詞答之

粉本猜伊乍合還開工夫最勤愛字無題處色絲鬬艷心能參
到花樣翻新不語佯嗔欠伸小倦刀尺堆邊收拾頻年頭近共
嬌兒放學半月嬉春 逡巡幾度黃昏尚燈火和郎一卷親慣
刺來丁倒迷藏鴛思繡成辛苦摺疊鸞紋碧唾粘殘紅尖蹴損
紙薄愁將情共論憑精婢也箇中依樣偷學夫人

輓轡金井

詠走馬燈

漲烟飛燄送星蹄逐隊奔騰不少一片迷離向蟬紗圍繞簾深
夜悄悄壁上觀來應笑幾許英雄明明滅滅冬烘頭惱平生
壯懷老念五陵游歷空負年少陳迹團團歎磨驢潦倒山香
插帽菱鼓打太平新調盡洗弓兵颺輪迅捲月斜天曉

高陽臺

西瓜燈次金棕亭韻

碧映團團冰雕細碎儘教箇裏生春暗射清輝分明冷月當門
瓊壺紺唾都消盡賸蠟珠替墮啼痕定東陵五色迷離幻出前
身休誇一片玲瓏影似連環卅字排就瓜仁細燄斜通已非
隴上烟雲故候種處誰重問只飄零螢火黃昏怕繁華易到瓜

期也替消魂

齊天樂

響竹

驅除一室談何易論功此君不少臆鼎紛投書帷空集正怪營
營相惱先聲聽到似碎攪風梢助成秋早觸熱人來也愁塵狀
共伊埽蕭蕭還更颯颯譜玲瓏散水都叶涼調麈尾旋拋松
枝罷捉難得桃笙眠好連筒製巧颺空際絲絲肯容飛悄漸黃
昏隔院重聞幾叢和雨鬧

金菊對芙蓉

瓦甌壺

蜂孔交攢蓮房倒挂玲瓏製出新陶正斜陽欲下自課僮摻滿
貯井華涼淥浸就花邊來瀉天瓢青紅無數津莖潤葉一例勻

澆替伊抱甕勞勞早籬根墻脚生意添饒訝買春前約茅屋
重招糟床夢聽鄰家壓迸小槽滴滴珠跳山家清供瓶笙沸處
同慰幽寥

瑤花

茉莉花籃

濃香解媚清艷含嬌簇盈盈涼露金絲細綰訝瓊壺冷浸清冰
如許玲瓏四映問恁得相思盛平住已羸他纖翠裁筠消受美
人憐取幾回盪著輕舸聽吳語呼時爭傍篷戶拾來素手愛
袖底猶帶采香風趑斜陽漸晚看挂向粉輿歸去到夜闌斗帳
橫陳夢醒蝶魂無據

解語花

咏橄欖花

將烟曳瓣借燄分花重疊抽無數託根蘭炷前身換朶朶並頭
嬌嫵餘愁怎訴只半晌燈唇如語拚攪殘香膩銅盤蠟淚如紅
雨宿醉甞伊解取記青青子好羅袖偷貯玉漿消去颺深宵
閃閃熱中無主殘煤寸許料幽谷無人吟賦纔省知回味都無
問此心灰否

天香

烟草

瑤草深耕瓊絲密縷烟霞散入人世吸似荷筒敲便石火領取
炙餘風味朱櫻小破認朶朶蓮翻舌底閒趁銀釭未滅偎衾試
銷寒意溫磨引人如醉慰孤愁麴生差擬翠點秋衫猶記唾
花香膩百種相思欲寄奈化作巫雲又輕墜颺出紋簾合成心
字

百宜嬌

橫櫺

鳳卵勻圓錦郎文采萬里似曾相識小炷蘭熏細評茗趺殘飽
一般銷得春生笑語問可抵香含雞舌漸迷迷淺暈芙蓉晚潮
添上雙顰會共說瘴陰吹黑舊夢憶南天酒闌時節硃盤分
堆青重低捧蠻語殷勤畱客瓊壺擊碎賸幾點唾餘紅滴早琴
川過了花時雨搖高葉